

醫西宗必讀


貞享四年

(之)
李中梓士材著



醫宗必讀

六



中風
類中風
傷風
虛癆

醫宗必讀卷之六

雲間李中梓士材父著
門人朱天定道力父叅
姪孫李廷芳蘅伯父訂

真中風

靈樞經曰虛邪偏客于身半其入深者內居營衛營衛衰則真氣去邪氣獨留發為偏枯此言邪氣深而中其邪氣淺者脉偏痛此言邪氣淺而中其邪氣深者以痛為辨也又曰痺之為病也身無痛者四肢不收志亂不

甚其言微知可治甚則不能言不可治也此亦言中
藏之證其名曰痲身無痛者也以志不甚亂微能言者可治若志亂而不能言則不可治矣
偏枯身偏不用而痛言不變志不亂病在分腠之間巨針取之益其不足損其有餘乃可復也

此亦言中府之證肢體必痛且能言而神氣清明淺而可復也

愚按中風者言為風邪所中其受病重非若傷風之輕也風是四時八方之氣常以冬至之日自坎而起候其八方之風從其鄉來者主長養萬物若不從其鄉來者名為虛賊風害萬物體

虛者則中之當時未必即發重感風邪病遂發焉藏府有俞俞皆在背中風多從俞入者也而有中府中藏中血脉之分中府者其病在表多着四肢故肢節廢脉浮惡風拘急不仁外有六經之形證大陽經證頭疼身熱脊強陽明經證目痛鼻乾不得臥少陽經證耳聾脇痛寒熱嘔口苦太陰經證腹滿自利咽乾少陰經證舌乾口燥厥陰經證煩滿囊縮以小續命湯及疎風湯汗之中藏者其病在裏多滯九竅故唇緩二便閉脾不能言心耳聾腎鼻塞肺目瞽肝以二化湯及麻仁丸下之中血脉者

病在半表半裏外無六經之證內無二便之閉
但見口眼喎斜半身作痛不可過汗恐虛其衛
不可大下恐損其營惟當養血順氣以大秦丸
湯羌活愈風湯和之中府者多兼中藏如左關
脉浮弦面目青左脇痛筋脉拘急目瞶頭目眩
手足不收坐踞不得此中膽兼中肝也用犀角
散左寸脉浮洪面赤汗多惡風心神顛倒語言
蹇澁舌強口乾怙悸恍惚此中胞絡兼中心也
加味牛黃散右關脉浮緩或浮大面黃汗多惡

風口喎語澁身重怠惰嗜臥肌膚不仁皮肉瞶
動腹脹不食此中胃兼中脾也防風散右寸脉
浮濇而短鼻流清涕面白多喘胸中冒悶短氣
自汗聲嘶四肢痿弱此中大腸兼中肺也五味
子湯左尺脉浮滑面目黧黑腰脊痛引小腹不
能俛仰兩耳虛鳴骨節疼痛足痿善恐此中膀胱
兼中腎也獨活散此皆言真中風也而有氣
血之分焉氣虛者右手足不仁用六君子加鈎
藤薑汁血虛者左手足不仁四物湯加鈎藤竹

瀝薑汁氣血俱虛者左右手皆不仁八珍湯加
 鈎藤竹瀝薑汁 凡中風昏倒先須順氣然後
 治風用竹瀝薑汁調蘇合香丸如口噤挾開灌
 之如挾不開急用牙皂生半夏細辛為細末吹
 入鼻內有嚏可治無嚏則死最要分別閉與脫
 二證明白如牙關緊閉兩手握固即是閉證用
 蘇合香丸或三生飲之類開之若口開心絕手
 撒脾絕眼合肝絕遺尿管絕聲如鼾肺絕即是
 脫證更有吐沫直視肉脫筋骨痛髮直搖頭宜
 上擦面赤如糞汗出如珠皆脫絕之證

大劑理中湯灌之及灸臍下雖曰不治亦可救
 十中之一若誤服蘇合香丸牛黃至寶之類即
 不可救矣蓋斬關奪門之將原為閉證設若施
 之脫證如人既入井而又下之石也世人蹈此
 弊而死者不可勝數故特表而出之惟中藏之
 證是閉而
 非脫者宜蘇合香丸牛黃丸至寶丹活命金丹
 之類若中府與中血脉之證斷不宜用為內有
 麝香入脾治肉牛黃入肝治筋龍腦入腎治骨
 恐反引風邪深入骨髓如油入麵莫之能出

角弓反張 陰陽經絡周環于身風氣乘虛入于
 諸陽之經則腰背反折攣急如角弓之狀宜小

續命湯

有汗不惡寒日晡瘳無汗惡寒日剛瘳

口噤

手三陽之筋結入于頷頰足陽明之筋上

夾于口風寒乘虛入其筋則攣故令牙關急而

口噤也秦朮升麻湯 用甘草二段每段長一

寸炭火上塗麻油灸乾扶開牙關令咬定約人

行十里許又換甘草一段然後灌藥極效 或

以蘇合香丸擦牙或南星冰片擦之

不語

脾脉絡胃夾咽連舌本散舌下心之別脉

系舌本心脾受風故舌強不語亦有因腎脉不

上循喉嚨挾舌本者喉嚨者氣之所以上下會

厭者音聲之戶舌者聲之機唇者聲之扇風寒

客于會厭故卒然無音若因痰迷心竅當清心

火若因濕痰當清脾熱若因風熱當清肝火若

因風痰當導痰涎若因虛火上炎當壯水之主

若因虛寒厥逆當益火之原神仙解語丹滌痰

湯加味轉舌膏八味丸隨證選用 取龜尿少

許點舌神效 置龜于新荷葉上以猪鬃鼻內戳之立出

手足不隨

肌膚盡痛諸陽之經皆起于手足而

循行于身體風寒客于肌膚始為痺復傷陽經隨其虛處而停滯與血氣相搏故風痺而手足不隨實者脾土大過當瀉其濕虛者脾土不足當補其氣血枯筋急者四物湯木旺風淫者四物湯加鉤藤秦芫防風痰多者六君子加秦芫天麻竹瀝薑汁

自汗風多者桂枝湯若表虛者玉屏風散陽氣虛者耆附湯若兼盜汗者補中益氣送六味地黃丸或當歸六黃湯

半身不遂譬如樹木或有一邊津液不蔭注而枝葉偏枯故知偏枯一證皆由氣血不周經曰風氣通于肝風搏則熱盛熱盛則水乾水乾則氣不榮精乃亡此風病之所由作也故曰治風先治血血行風自滅古方有順風勻氣散虎骨散虎脛骨酒外用蠶沙二石分作三袋蒸熱着患處冷再易以瘡為度內用羊脂入粳米蔥白薑椒豉煮熟日食一具十日止大效

口眼喎斜多屬胃土而有筋脈之分經云足之

陽明手之太陽筋急則口目為僻皆急不能卒視此胃土之筋病也又云足陽明之脉挾口環唇此胃土之脉為病也口目常動故風生焉耳鼻常靜故風息焉先燒皂角熏之以逐外邪次燒乳香熏之以順血脉酒煎桂枝取汁一碗軟布浸收左囑搦右右囑搦左服清陽湯秦艽升麻湯或二方合用外感加蔥白

小便不利 中風小便不利不可以藥利之自汗則津液外亡小便自少清熱止汗小便自行也

遺尿 多屬氣虛宜參耆湯少加益智頻頻啜之

多食 風木盛則尅脾胃受尅求助于食當瀉肝理風以安脾胃安則食自如常也

痰涎壅盛 宜用吐法稀涎散或橘紅一斤逆流水七碗煎至二碗頓服白湯導之吐痰之聖藥也二陳湯星香散加竹瀝薑汁虛者六君子同星香散脉沉伏無熱者三生飲加全蝎一个養正丹可以墜下痰涎鎮安元氣 肥人多中氣盛於外而歉于内也人肥必氣急而肺盛肺金

尅肝木故痰盛治法以理氣為急

身痛中府者多身痛為風氣所束經脈不和宜

鐵彈丸虛寒者十味剉散

昏冒心神不足痰滯于心胞絡宜至寶丹或牛

黃清心丸

豫防中風寶鑑云凡大指次指麻木或不用者

三年內有中風之患宜服愈風湯天麻丸薛立齋云豫防者當養氣血節飲食戒七情遠帷幙若服前方適所以招風取中也

脈中風之脈每見沉伏亦有脈隨氣奔指下洪

盛者浮遲者吉堅大急疾者凶 浮大為風

浮遲為寒 浮數無熱亦為風 大為火

滑為痰

三生飲 治卒中昏冒口眼喎斜半身不遂痰

氣上壅或六脈沉伏或浮盛者並宜服之但

脫絕證見者難治

南星 生用 川烏 去皮生 生附子 五錢

木香 二錢 五分

每服五錢水二盞薑十片煎六分服

小續命湯 通治八風五痺痿厥等疾春夏加

石膏知母黃芩秋冬加桂附芍藥

麻黃去節 人參去蘆 黃芩去腐

芍藥炒 甘草炙 川芎

杏仁去皮尖炒 防已 官桂 各一兩

防風一兩五錢 附子炮去皮臍五錢

每服五錢水一盞半生薑五片煎一盞服

疎風湯 治表中風邪半身不遂語言微滿

麻黃去節三兩 杏仁去皮尖炒 益智仁各一兩

升麻各五錢

每服五錢水煎熱服

三化湯

厚朴薑炒 大黃 枳實麸炒

羌活各三錢

水二碗急火煎至一碗服

麻仁丸

厚朴去皮薑汁炒 芍藥炒 枳實麸炒各四兩

醫宗必讀 卷之六

大黃 蒸焙 八兩 麻仁 別研 三兩 杏仁 去皮尖 炒三兩
右為末，蜜丸，梧子大，每服三錢，溫水下。

大秦芫湯

秦芫 石膏 各一錢 甘草 炙
川芎 當歸 芍藥 炒
羌活 獨活 防風
黃芩 炒 白朮 土炒 白芷
茯苓 生地黄 熟地黄 各五分
細辛 三分

水煎服。天寒加生薑五片，春夏加知母一兩。
羌活愈風湯 治肝腎虛，筋骨弱，語言難，精神昏憤，或肢體偏枯，多思健忘。

羌活 甘草 炙 防風
黃耆 蜜炙 蔓荊子 川芎
獨活 細辛 枳殼 炒
麻黃 去根 地骨皮 人參
知母 酒炒 甘菊花 去蒂 薄荷葉
白芷 枸杞子 當歸

醫宗必讀 卷之六 十 真中風

醫宗金鑑 卷之九

杜仲 炒

秦艽

柴胡

半夏 製

厚朴 薑汁炒

前胡

熟地黄 各二兩

白茯苓

黃芩 各三兩

生地黄

蒼朮 炒

石膏

芍藥 各四兩

官桂 一兩

每服一兩水煎服大寒之後加半夏人參柴胡木通迎而奪少陽之氣也穀雨之後加石膏黃芩知母迎而奪陽明之氣也季夏加防已白木茯苓勝脾土之濕也大暑之後加厚

杜藿香桂迎而奪大陰之氣也霜降之後加當歸桂附勝少陰之氣也

大麻丸 熱勝則風動宜靜是養血也宜和是行營衛壯筋骨也非大藥不能治

附子 一兩炮

天麻 酒浸三日宿晒乾

牛膝 酒浸一日宿焙乾

草薺 另研

玄參 各六兩

杜仲 七兩炒去絲

當歸 十兩全用

羌活 十兩

生地黄 十兩

獨活 五兩

右為末煉蜜丸桐子大每服五錢空心白湯

下服藥後饑則食不饑且止大忌壅塞

犀角散 治肝中風流注四肢上攻頭面疼痛

言語謇澁上焦風熱口眼喎邪脚膝軟痛

犀角 錢 石膏 各一兩 羌活 去蘆

麝羊角 各七錢半 人參 去蘆 甘菊花

獨活 去蘆 黃耆 川芎

白朮 土炒 黃芩 天麻

枳殼 去穰 麩炒 當歸 去蘆 酸棗仁 炒

防風 去蘆 白芷 各五錢 甘草 炙二錢半

每服五錢水一盞生薑五片煎服

牛黃散 治心藏中風恍惚恐懼悶亂不得睡

臥語言錯亂

牛黃 另研 麝香 另研 犀角

羚羊角 龍齒 另研 防風

天麻 煨 獨活 人參

沙參 茯神 去木 川升麻

甘草 炙 白鮮皮 遠志 去木

天竺黃 各二錢半 龍腦 一錢 朱砂 水飛

醫宗必讀 卷之六

鐵粉 另研 麥門冬 各五錢

右為細末研令勻每服二錢麥門冬湯下

防風散 治脾藏中風手足緩弱舌強語澁胸

膈煩悶志意恍惚身體沉重

防風 麻黃 去節 人參

川芎 附子 炮去皮 桂心

黃耆 去蘆 赤茯苓 去皮 酸棗仁 炒

白朮 炒 獨活 去蘆 桑白皮 蜜炙

羚羊角 各七錢半 甘草 炙五錢

每服四錢水一盞薑五片煎服

五味子湯 治肺藏中風多汗惡風時咳短氣

晝瘥夜甚偃臥胸滿息促鼻兩邊下至口上

至青色白急灸肺膈百壯若色黃其肺已化

為血不治

五味子 杏仁 炒去皮 桂心 各五錢

防風 炙甘草 赤芍藥

川芎 各一兩 川椒 二錢五分

每服五錢水二盞煎至一盞服

獨活散 治腎藏中風腰脊疼脚冷痺弱頭昏耳聾語音渾濁四肢沉重

獨活 附子 當歸

防風 天麻 桂心 各一兩

川芎 甘菊花 枳殼

山茱萸 黃耆 酒炒 丹參

牛膝 酒浸 草薺 酒浸 甘草 炙

細辛 去苗 菖蒲 白朮 各五錢

每服四錢水一盞半生薑五片煎服

四君子湯 治氣虛脉弱

人參 白朮 茯苓

甘草 各等分

水煎服加陳皮名異功散加橘紅半夏名六

君子湯

四物湯 滋陰補血

熟地黄 川芎 芍藥

當歸 各等分

水煎服四物四君子兩方合用名八珍湯更

加黃耆肉桂名十全大補湯肉桂芍藥甘草即黃耆建中湯也半夏橘紅茯苓甘草即二陳湯也

附子理中湯 治脾胃冷弱心腹疼痛嘔吐瀉利霍亂轉筋體冷微汗手足厥冷心下逆冷腹中雷鳴一切虛寒之證並皆治之

人參 附子 炮 乾薑 炒
甘草 炒 白朮 各等分
水煎服

蘇合香丸 治傳屍骨蒸疰忤鬼氣卒心痛霍亂吐利時氣鬼魅瘴癘疫痢痧血月閉痧癰丁腫驚癇中風中氣痰厥昏迷等證

白朮 青木香 犀角
香附 炒去毛 朱砂 水飛 訶梨勒 煨取皮
檀香 安息香 酒熬 沉香
麝香 丁香 萹撥 各二兩
龍腦 薰陸香 別研 蘇合香 各一兩
右為細末研藥勻用安息香膏并蘇合香油

煉蜜和劑丸如彈子大以蠟圓固緋絹當心帶之一切邪神不敢近

至寶丹 治中風不語中惡氣絕中諸物毒疫毒瘴毒蠱毒產後血暈口鼻血出惡血攻心煩躁氣喘吐逆難產悶亂效胎不下並用童便薑汁磨服又療心肺積熱嘔吐邪氣攻心大腸風秘神竟恍惚頭目昏眩眠睡不安唇口乾燥傷寒讖語

人參

天竺黃

犀角

朱砂

水飛

雄黃

水飛

玳瑁

琥珀

各一兩

麝香

龍腦

各二分

金箔

半入藥半為衣

銀箔

各五片

牛黃

天南星

各五錢

安息香

一兩五錢為末無灰酒攪澄飛過去沙土

約得淨數一兩火熬成膏

右為細末將安息香膏重湯煮烱入諸藥中和搜成劑丸如龍眼核大人參湯磨服

牛黃清心丸 治諸風緩縱不隨語言蹇澁怔忡健忘頭目眩冒胸中煩鬱痰涎壅塞精神

昏憤心氣不足神志不定驚恐怕怖悲憂慘感虛煩少睡喜怒無時癲狂昏亂

白芍藥

麥門冬

去心

黃芩

當歸

防風

白朮

各一兩半

柴胡

桔梗

芎藭

白茯苓

杏仁

去皮尖雙仁炒黃別研各一兩二錢五分

神麩

蒲黃

炒

人參

各二兩半

羚羊角

麝香

龍腦

各一兩

肉桂

大豆黃卷

碎

阿膠

碎炒各二兩七錢半

白歛

乾薑

炮各七錢五分

牛黃

一兩二錢

犀角

二兩

雄黃

水飛八錢

乾山藥

七兩

甘草

炒五兩

金箔

一千二百片

大棗

一百枚蒸研膏

右除棗杏仁金箔犀角羚羊角牛黃雄黃腦麝外為細末入餘藥和勻煉蜜與棗膏為丸每丸一錢即于內分金箔四百片為衣溫水化服

養正丹

一名來復丹一名黑錫丹一名三和丹

治上盛下虛裏寒

外熱及伏暑泄瀉如水

硝石 一兩同硫黃為末人磁碟內微火炒極細名太陰玄精石 水船上硫黃 透明者各一兩

五靈脂 水澄去沙晒乾 青皮 去白 陳皮 去白各一兩

右用五靈脂青皮陳皮為末次入玄精石末及前二氣末拌勻好醋打糊為丸豌豆大每服三十丸空心米飲下

稀涎散 治中風口噤單蛾雙蛾

江子仁 六粒每粒分作兩半 牙皂 三錢切片 明礬 一兩

右先將礬化開却入二味攪勻待礬枯為末

每用三分吹入諸病皆愈痰涎壅盛者燈心湯下五分在喉者即吐在膈者即下

星香湯 治中風痰盛服熱藥不得者

南星 四錢 木香 五分

水一盞薑十片煎七分服

藿香正氣散 治傷寒頭痛憎寒壯熱或感濕

氣霍亂吐瀉伏暑吐瀉轉筋 加香薷扁豆黃連名藿藿湯

大腹皮 洗 白芷 茯苓

紫蘇 藿香 各一錢 厚朴 薑汁炒

白朮 土炒 陳皮 去白 桔梗

半夏 各七分 甘草 四分

生薑三片棗一枚煎服

清陽湯 治口眼喎斜頰顙緊急胃中火盛汗

不出而小便數

黃耆 當歸身 升麻 各二錢

葛根 一錢五分 甘草 炙 紅花

黃檗 桂枝 各一錢 蘇木

生甘草 各五分

酒三盞煎一盞服炒香附熨摩緊急處即愈

秦艽升麻湯 治口眼喎斜四肢拘急惡風寒

升麻 葛根 甘草 炙

芍藥 人參 各五錢 秦艽

白芷 防風 桂枝 各三錢

每服一兩水二盞蔥白二莖煎一盞服

順風勻氣散 治中風半身不遂口眼喎斜

白朮 二錢 人參 天麻 各五分

沉香 白芷 紫蘇

木瓜

青皮

甘草各三分

烏藥一錢五分

生薑三片水煎服

虎骨散 治半身不遂肌肉乾瘦為偏枯忌用

麻黃發汗此方潤筋去風

當歸二兩

赤芍藥

續斷

白木土炒

藁本

虎骨各一兩

烏蛇肉五錢

右為末每服二錢食後溫酒調下骨中煩疼

加生地黄一兩藏寒自利加天雄五錢
虎脛骨酒

石薺去根

石楠葉

防風

虎脛骨酥炙

當歸

茵芋葉

杜仲炒

川牛膝

川芎

狗脊燎去毛續斷

巴戟去心各一兩

右剉以酒一斗漬十日每熱服一碗

地黄飲子 治舌瘡不能言足廢不能行腎虛

弱其氣厥不至舌下

醫宗必讀 卷之六

熟地黄

巴戟 去心

山茱萸

肉蓯蓉 酒浸

石斛

附子 炮

五味子

白茯苓

菖蒲

遠志 去心

官桂

麥門冬 去心 各五分

薑五片 棗二枚 薄荷七葉 水二盞 煎八分服

滌痰湯 治中風痰迷心竅舌強不能言

南星 薑製 二錢

半夏 湯洗 七次 二錢 枳實 炒

橘紅 一錢 二分

石菖蒲 人參 各八分

竹茹 六分

甘草 三分 茯苓 二錢

水二鍾生薑五片煎一鍾食後服

加味轉舌膏

連翹

遠志 去木

薄荷

柿霜 各一兩

菖蒲 六錢

梔子 炒

防風

桔梗

黃芩 酒炒

玄明粉

甘草

酒大黃 各五錢

犀角

川芎 各三錢

右為末煉蜜丸彈子大珠砂五錢為衣食後臨臥薄荷湯送下一丸

醫宗必讀

卷之六

三

真中風

鐵彈丸

治中風昏憤口噤直視瘕瘕口眼喎

斜涎潮語澁筋攣骨痛癱瘓偏枯或麻木或

瘙癢此藥極止疼痛通經絡活血脈

乳香另研

沒藥另研

川烏頭一兩五錢

五靈脂

淘淨麝香一錢

先將乳香沒藥陰涼處細研次入麝次入藥

再研勻滴水和丸如彈子大每服一丸食後

臨臥薄荷酒磨服

十味剉散 治中風血弱筋骨疼痛舉動艱難

附子

三兩炮

當歸

黃耆炙

白芍藥

各二兩

川芎

防風

白朮

各一兩五錢

肉桂

一兩

茯苓

熟地黄

各七錢半

每服四錢水一碗薑八片棗三枚煎六分臨

臥服



徽商汪華泉忽然昏仆遺尿手撒汗出如珠衆皆以絕證既見決無生理余曰手撒脾絕遺尿

腎絕法在不治惟大進參附或黃萬一遂以人參三兩熟附五錢煎濃灌下至晚而汗減復煎人參貳兩者木附各五錢是夜服盡身體稍稍能動再以參附膏加生薑竹瀝薑許連進二日神氣漸爽嗣後以理中補中藥湯調養二百日而安

延平太守唐東瀛多鬱多思又為府事勞神昏冒痰壅口喎語澁四肢不隨時欲悲泣脉大而軟此脾肺氣虛風在經絡余以補中益氣去黃

耆加秦艽防風天麻半夏十劑證減二三更加竹瀝薑汁倍用人參兼與八味丸兩月乃愈

燕邸張可真自遠方歸忽然中風昏冒牙關緊閉先以牙皂末取嚏次以筋挾開灌蘇合丸二九然後以防風散投之連進三服出汗如洗此邪自外解也去麻黃獨活羚羊角加秦艽半夏膽星鈎藤薑汁十劑痰清神爽服六君子加竹瀝薑汁鈎藤六十日而痊

吳門太史姚現聞中風昏憤語言不出面赤時

笑是心藏中風也乙亥孟秋延余診之六部皆
得石脉余歸謂唐名必曰石者冬令之脉也新
秋見之非其時矣其象先見于非時當其時豈
能再見耶果至冬月而歿

錢台石年近六旬昏倦不能言鼻塞二便閉此
心肺二藏中風也服順氣疎風化痰之劑已瀕
于危矣比余診之六脉洪大按之搏指乃至虛
反有盛候也宜補中爲主佐以祛風化痰方可
回生舉家惶懼兩日不決余瞋目而呼曰今日

無藥則斃矣若服參而病進余一人獨任其咎
乃以大劑補中益氣加秦艽鈎藤防風竹瀝再
劑而神爽加減調治五十日始愈

類中風
暑中
氣中
濕中
寒中

類中風

火中
暑中

虛中
氣中

濕中
食中

寒中
惡中

類中風者有類乎中風實非中風也或以風為他證或以他證為風投治混淆傷生必矣茲以相類之證八種總彙于此使學者臨證洞然也

火中 河間曰癱瘓者非肝木之風亦非外中于風良由將息失宜心火暴甚熱氣拂鬱心神昏冒筋骨不用卒倒無知因喜怒悲愁恐五志過極皆為熱甚也 心火盛者涼膈散肝火動者小柴胡湯水虛火炎者六味地黃丸痰多者貝

母瓜萸散

涼膈散 見真中風

小柴胡湯

治肝膽有熱往來寒熱

柴胡

一錢六分

黃芩

人參

半夏

各八分

生姜 三片

大棗 二枚

水煎溫服

甘草 四分

六味地黄丸

治腎水不足發熱作渴小便淋

閉氣壅痰嗽頭目眩暈眼花耳聾咽乾齒動

腰腿痠軟便血吐血盜汗失音水泛為痰

熟地黄

八兩

山茱萸肉

乾山藥

各四兩

牡丹皮

白茯苓

澤瀉

各二兩

右為末和地黄膏加煉蜜丸如桐子大每服

五錢空心食前滾湯下

貝母瓜萸散

治痰多口眼喎斜手足麻痺

貝母

去心

瓜萸

南星

泡

荆芥

防風

羌活

黃蘗

炒

黃芩

炒

黃連

炒

白朮

土炒

陳皮

去白

半夏

湯泡七次

醫宗金鑑 卷之六

薄荷

甘草 炙

威靈仙

天花粉 各五分

水二鍾薑三片煎八分至夜服

虛中

東垣以卒倒昏憤皆屬氣虛過于勞役耗損真元脾胃虛衰痰生氣壅宜大君子湯虛而下陷者補中益氣湯因于房勞者六味地黄丸

六君子湯 見真中風

六味地黄丸 見火中

補中益氣湯

黃耆 一錢五分

人參 一錢五分

甘草 五分 炙

橘皮 七分

白朮 一錢 土炒

升麻 三分

柴胡 三分

歸身 一錢

水二盞煎至一盞食遠服

濕中

丹溪曰東南之人多由濕土生痰痰生熱熱生風清燥湯主之 內中濕者脾土本虛不能制濕或食生冷水濕之物或厚味醇酒停于三焦注于肌肉則濕從內中矣宜滲濕湯 外中濕者或山嵐瘴氣或天雨濕蒸或遠行涉水

醫宗金鑑

卷之六

五

類中風

或久臥濕地則濕從外中矣其證頭重體痛四肢倦怠腿膝腫痛身重浮腫大便泄瀉小便便黃赤宜除濕羌活湯虛者獨活寄生湯

清燥湯 治氣虛濕熱肺金受邪絕寒水生化

之源小便赤少大便不實腰膝痠軟口乾作

渴體重麻木頭目眩暈飲食少思自汗盜汗

倦怠氣促

黃耆 一錢五分

五味子 九粒 并炒 黃連

神麴 炒

猪苓

柴胡

甘草 炙各二分

蒼朮 炒

白朮 炒

麥門冬 去心 陳皮

生地黄

澤瀉 各五分

茯苓

人參

當歸

升麻 三分

黃柏 酒炒 一分

水二鍾煎一鍾服

添濕湯

蒼朮 泔浸 炒

白朮 土炒

茯苓 各一分

陳皮

澤瀉

猪苓 各一分

香附

撫芎

砂仁

醫宗必讀卷之六

厚朴 去皮各七分 甘草 三分

水二鍾薑三片燈草十尺煎八分服

除濕羌活湯 治風濕相搏一身重痛

蒼朮 泔浸炒 藁本 各二錢 羌活 七分

防風 升麻 柴胡 各五分

水煎溫服

獨活寄生湯 治腎虛卧濕腰背拘急筋癱骨

痛脚膝冷痺緩弱偏枯腫重艱步

獨活 桑寄生 牛膝

杜仲 炒 秦艽 細辛

白芍藥 炒 茯苓 人參

當歸 熟地黄 防風 各等分

甘草 減半

水二鍾生薑三片煎一鍾空心溫服

寒中 身體強直口噤不語四肢戰掉卒然眩暈

身無汗者此寒毒所中也宜薑附湯或附子麻

黃湯

薑附湯 治中寒昏倒及陰證傷寒大便自利

醫宗必讀 卷之六 完 類中風

醫宗必讀 卷之六

乾薑

熟附子 各等分

水煎服

附子麻黃湯 治中寒昏冒口眼喎僻

麻黃

白木 炒

人參

甘草 炙

附子 炮

乾薑 各等分

水煎服

暑中

面垢悶倒昏不知入冷汗自出手足微冷或吐或瀉或喘或滿或渴先以蘇合香丸抉開灌之或以來復丹研末白湯灌下或研蒜水灌

之或剥蒜肉入鼻中皆取其通竅也 不甦皂角刮去黑皮燒過存性每皂角灰一兩甘草末大錢和勻每服一錢新汲水調下待其稍甦辨證與藥 靜而得之謂之中暑中暑者陰證也當發散也或納涼于廣廈或過食于生冷頭痛惡寒肢節疼痛大熱無汗此陰寒所遏陽氣不得發越輕者香薷飲重者大順散 動而得之謂之中熱中熱者陽證也熱傷元氣非形體受病也或行役于長途或務農于赤日頭痛燥熱

醫宗必讀 卷之六

汗 類中風

肌膚大熱大渴多汗少氣蒼木白虎湯主之熱
人切勿便與冷水及臥冷地宜置
日中或令近火以熱湯灌之即活

蘇合香丸

見真中風

來復丹

見真中風

香薷飲

本方加人參白朮陳皮茯苓木瓜
黃耆各半味香薷飲虛者宜之

香薷

去根
三錢

厚朴

一錢
五分

白扁豆

微炒
一錢

甘草

五分

水二盞煎一盞沉冷服

此暑月發散之劑

惟中暑者宜之若奔走勞役而中熱者用此

溫散之劑復傷其氣如火益熱矣世多不知
而混用故特表而出之

大順散 治納涼太過飲冷太多脾胃受寒霍

亂吐瀉此捨時從證之劑也

甘草

三兩

乾薑

杏仁

去皮
尖

肉桂

去皮各
四錢

右先將甘草炒熟次入乾薑同炒令薑裂次
入杏仁同炒令杏仁不作聲為度後入桂磨
篩每服二錢井花水調服沸湯點服亦得

蒼朮白虎湯

知母 一錢

石膏 二錢

甘草 三分

粳米 一錢

蒼朮 一錢

水二杯煎至一杯服

氣中

七情內傷氣逆為病痰潮昏塞牙關緊急極與中風相似但風中身溫氣中身冷風中脉浮應人迎氣中脉沉應氣口以氣藥治風猶可以風藥治氣則不可急以蘇合香丸灌之候醒以八味順氣散加香附或木香調氣散有痰者

星香散若其人本虛痰氣上逆關格不通宜養

正丹

蘇合香丸 見真中風

八味順氣散

白朮 炒黃

白朮

青皮 去白

白芷

橘紅

烏藥

人參 各五分

炙甘草 二分

水一碗煎七分服

木香調氣散

白豆蔻 研

丁香

檀香

木香 各二兩

藿香

炙甘草 各八兩

砂仁 四兩

右為細末每服二錢沸湯入鹽少許點服

星香散 見真中風

養正丹 見真中風

食中 醉飽過度或感風寒或着氣惱以致填塞胸中胃氣不行忽然厥逆昏迷口不能言肢不能舉若誤作中風中氣治之必死宜煎薑鹽湯

探吐風寒者藿香正氣散氣滯者八味順氣散吐後別無他證只以蒼朮白朮陳皮厚朴甘草之類調之

藿香正氣散 見真中風

八味順氣散 見氣中

惡中 登塚入廟弔死問喪飛尸鬼擊卒厥客忤手足逆冷肌膚粟起頭面青黑精神不守或錯言妄語牙閉口噤昏暈不知入宜蘇合香丸灌之俟少甦服調氣平胃散

醫宗必讀 卷之九

蘇合香丸 見真中風

調氣平胃散

木香

烏藥

白豆蔻

檀香

砂仁

藿香

蒼朮

厚朴

陳皮

甘草

一分
五分

各一分

各一分

水二鍾生薑三片煎一鍾食前服

醫案

太史楊方壺夫人忽然暈倒醫以中風之藥瘡

乏不效迎余診之左關弦急右關滑大而軟本

因元氣不足又因怒後食停先以理氣消食之

藥進之得解黑屎數枚急以六君子加薑汁服

四劑而後暈止更以人參五錢蒼朮半夏各三

錢茯苓歸身各二錢加減調理兩月而愈

此名虛中亦兼食中

邑尊張太羨令郎丙子六月間未申時暈絕不

知人至更餘未甦此得之生冷太過也皂角末

吹鼻中無隨舉家驚惶余以皂角灰有性新汲

三書 頓中風

水灌之更取沉檀焚之俾香氣滿室以達其竅
至于後方甦服十味香薷飲而安此暑中
拔虛

給諫晏懷泉夫人先患胸腹痛次日卒然暈倒
手足厥逆時有醫者以牛黃丸磨就將服矣余
診之大脉皆伏惟氣口稍動此食滿胸中陰陽
痞隔升降不通故脉伏而氣口獨見也取陳皮
砂仁各一兩薑八錢鹽三錢煎湯以指探吐得
宿食五六碗六脉盡見矣左關弦大胸腹痛甚
知為大怒所傷也以木香青皮橘紅白朮香附

煎成與服兩劑痛止更以四君子加木香烏藥
調理十餘日方瘥此食中兼氣中

章仲與令愛在閣時昏暈不知人蘇合香丸灌
醒後狂言妄語喃喃不休余診其左脉七至大
而無倫右脉三至微而難見正所謂兩手如出
兩人此祟憑之脉也線帶繫定一大拇指以艾
炷灸兩介甲至七壯鬼即哀詞求去服調氣平
胃散加桃奴數日而祟絕此名惡中

醫旨宗少言

傷風

經曰虛邪賊風陽先受之又曰內腠閉拒雖有大風苛毒弗之能害

肺虛則肌肉不充肺虛則玄府不閉風邪乘虛乃客于經譬諸盜賊若重關高壘則不能入少有疎漏而後犯之故曰虛邪賊風又曰內腠閉拒弗之能害風者天之陽氣其乘于人則傷衛衛者陽也故曰陽先受之

愚按風為陽邪善行數變其傷入也必從俞入俞皆在背故背常固密風弗能于已受風者常曝其背使之透熱則潛消嘿散經文所謂乘虛來犯固矣若其人素有痰熱壅遏于太陰陽明

醫旨宗少言

卷之六

三十六

傷風

之經內有窠囊則風邪易于外束若為之招引者然所謂風乘火勢火借風威互相鼓煽也治實之法秋冬與之辛溫春夏與之辛涼解其肌表從汗而散治虛之法固其衛氣兼解風邪若專與發散或汗多亡陽或屢痊屢發皆治之過也治風火之法辛涼外發甘苦內和勿與苦寒恐正不得申邪不得解耳

神木散

治傷風頭痛鼻塞聲重

蒼朮

藁木

白芷

細辛

羌活

川芎

甘草炙各陸分

水鍾半薑三片蔥白三莖煎八分熱服

川芎茶調散 治傷風頭目昏痛鼻塞聲重

薄荷葉四兩

川芎二兩

羌活

甘草二兩

荆芥二兩

白芷二兩

防風七錢

細辛五錢

右為末每服二錢茶調下

參蘇飲 治傷風發熱頭痛咳嗽涕唾稠粘

人參

蘇葉

乾葛

半夏製

前胡

桔梗

枳殼

陳皮

茯苓

甘草各八分

木香磨一分

水鍾半薑五片東東一枚煎八分服

消風散

治四時感冒發熱惡寒頭痛聲重

蒼朮

麻黃

荆芥

白芷

陳皮各一錢

甘草五分

水鍾半薑三片葱白一莖煎八分服

人參敗毒散

頭痛發熱惡寒鼻塞聲重

人參

羌活

桔梗去蘆

柴胡

前胡

獨活

枳殼炒

川芎

茯苓

甘草各一錢

水鍾半薑三片煎服

柴胡升麻湯

柴胡

前胡

升麻

桑白皮

赤芍藥

乾葛

醫宗必讀 卷之六

黃芩炒

石膏

荆芥

各一錢

水二鍾薑二片淡豆豉二十粒煎二鍾服

虛癆

經曰陰虛生內熱陰者木之屬也腎水不旺則虛火燔炎故內熱此言血虛

之癆又曰勞則喘且汗出內外皆越故氣耗矣

又曰有所勞倦形氣衰少穀氣不盛上焦不行

下脘不通而胃氣熱熱氣薰胸中故內熱勞字從力

從火勞力則二火炎于高巔氣急而喘內越也

氣蒸而汗外越也內外皆越故氣耗矣勞則傷脾脾主四肢故困倦無氣以動脾主肌肉故

形氣衰少脾主消穀脾虛不運故穀氣不盛脾者肺之母也肺處上焦主氣以下布者也土虛

不能生金則肺薄而濁氣不能達于下脘地氣不升天氣不降清氣陷下濁氣逆上故內熱此言氣虛之癆也

愚按內經之言虛癆惟是氣血兩端至巢氏病源始分五藏之勞七情之傷甚而分氣血筋骨肌精之六極又分腦髓玉房胞絡骨血筋脉肝心脾肺腎膀胱膽胃三焦大小腸肉膚皮氣之二十三蒸本事方更分傳屍鬼疰至于九十九種其鑿空附合重出復見固無論矣使學者惑于多岐用方錯雜伊誰之咎乎蓋以內經爲式第於脾腎分主氣血約而該確而可守也夫人之虛不屬于氣即屬于血五藏六府莫能外焉

而獨舉脾腎者水爲萬物之元土爲萬物之母二藏安和一身皆治百疾不生夫脾具土德脾安則土爲金母金實水源且土不凌水水安其位故脾安則腎愈安也腎兼水火腎安則水不挾肝上泛而凌土濕火能益土運行而化精微故腎安則脾愈安也孫思邈云補脾不如補腎許學士云補腎不如補脾兩先生深知二藏爲生人之根本又知二藏有相贊之功能故其說似背其旨實同也救腎者必本於陰血血主濡

之血屬陰主下降虛則上升當斂而抑六味丸
 是也救脾者必本於陽氣氣主煦之氣為陽主
 上升虛則下陷當升而舉補中益氣湯是也近
 世治癆專以四物湯加黃柏知母不知四物皆
 陰行秋冬之氣非所以生萬物者也且血藥常
 滯非痰多食少者所宜血藥常潤久行必致滑
 腸黃柏知母其性苦寒能瀉實火名曰滋陰其
 實燥而損血名曰降火其實苦先入心久而增
 氣反能助火至其敗胃所不待言丹溪有言實

火可瀉虛火可補癆證之火虛乎實乎瀉之可
 乎矯其偏者輒以桂附為家常茶飯此惟火衰
 者宜之若血氣燥熱之人能無助火為害哉大
 抵虛癆之證疑難不少如補脾保肺法當兼行
 然脾喜溫燥肺喜清潤保肺則礙脾補脾則礙
 肺惟燥熱而甚能食而不瀉者潤肺當急而補
 脾之藥亦不可缺也倘虛羸而甚食少瀉多雖
 喘嗽不寧但以補脾為急而清潤之品宜戒矣
 脾有生肺之能肺無扶脾之力故補脾之藥尤

要于保肺也嘗見癆證之歟多歟于泄瀉泄瀉之因多因于清潤司命者能不為之兢兢耶又如補腎理脾法當兼行然方欲以甘寒補腎其人減食又恐不利于脾方欲以辛溫快脾其人陰傷又恐愈耗其水兩者並衡而較重脾者以脾土上交于心下交于腎故也若腎大虛而勢困篤者又不可拘要知滋腎之中佐以砂仁沉香壯脾之中參以五味肉桂隨時活法可耳又如無陽則陰無以生無陰則陽無以化宜不可

偏也然東垣曰甘溫能除大熱又曰血脫補氣又曰獨陰不長春夏之溫可以發育秋冬之寒不能生長虛者必補以人參之甘溫陽生陰長之理也且虛癆證受補者可治不受補者不治故葛可久治癆神良素著所垂十方用參者七丹溪專主滋陰所述治癆方案用參者亦十之七不用參者非其新傷必其輕淺者耳自好古肺熱傷肺節齋服參必歿之說印定後人眼目甘用苦寒直至上嘔下泄猶不悔悟良可悲已

幸李瀕河汪石山詳為之辨而宿習難返貽禍未已不知肺經自有熱者肺脉按之而實與參誠不相宜若火來乘金者肺脉按之而虛金氣大傷非參不保前哲有言曰土旺而金生勿拘拘于保肺水壯而火熄毋汲汲于清心可謂洞達內經之旨深窺根本之治者也

傳屍勞瘵

虛癆熱毒積久則生惡蟲食人臟腑其證蒸熱咳嗽胸悶背痛兩目不明四肢無力腰膝酸疼臥而不寐或面色脫白或兩頰時紅

常懷忿怒夢與鬼交同氣連枝多遭傳染甚而滅門大可畏也法當補虛以復其元殺蟲以絕其根能殺其蟲雖病者不生亦可絕其傳染耳凡近視此病者不宜饑餓虛者須服補藥宜佩安息香及麝香則蟲鬼不敢侵也

吐血

上盛下虛血隨氣上法當順氣氣降則血

歸經矣

蘇子降氣湯脉來微軟精神困倦是氣虛不能攝血

或獨參湯

脉洪有力精神不倦胸中滿

痛或吐血塊用生地黄赤芍藥當歸丹皮丹參

醫宗必讀 卷之六
桃仁大黃之屬從大便導之血以上出為逆下
出為順苟非大虛泄瀉者皆當行之以轉逆為
順此釜底抽薪之妙法若吐血已多困倦虛乏
者不可行也吐多而急欲止之生地黃當歸丹
皮赤芍藥煎湯入藕汁童便各一鍾血餘灰二
錢墨灰五分調勻熱服怒氣傷肝者丹皮芍藥
木香之屬勞心者蓮子糯米栢仁遠志棗仁茯
神之屬酒傷者乾葛茅花側柏荆芥穗之屬飲
食傷胃者白朮陳皮甘草穀蘖砂仁之屬吐血

色黯脉遲而寒者理中湯勞力者蘇子降氣湯加阿膠或以猪肺
煮熟蘸白芨末食之

咳血涎唾中有少血散漫者此腎虛火炎之

血也六味地黃湯加童便阿膠血如紅縷在痰中嗽出者此

肺血也二冬二母白芨阿膠甘草肺傷者其人勞

倦人參救肺散肺痿吐膿血薏苡仁煮粥凡血證既

久古人多以胃藥收功四君子湯

咯血不嗽而血從咯出此腎血也地黃牛膝牡

歸青黛玄參童便

欬 有聲無痰曰欬肺因火燥也新定清寧膏 有痰

有聲曰嗽脾受濕侵也二陳湯 脾虛倦怠者六君子湯

久證 虛癆不服參耆為不受補者死 癆嗽聲

啞者死 一邊不能睡者死 癆證久瀉者死

大肉去者死 吐血淺紅色似肉似肺謂之

欬白血必死

脈法 寸口脈浮而遲浮則為虛遲則為癆 左

手脈細右手浮大勁急為正虛邪盛必死 久

病沉細而數者死 中空外急此名革脈婦人

半產漏下女人亡血失精 脈結者二年内必

死 脈代者二年内必死

醫案

邑宰何金陽福建邵武府人各望海 令郎虛損已瀕于危

見余拙刻微論藥解脈象諸書遣使聘余手書

云嘗聞一命之士存心受物於人必有所濟况

老先生天地萬物為體分醫國之餘著述嘉刻

皆本性命而立言望海神交深知雲間有李先

生東垣再來也緣小兒天根久耽書癖昕夕窮

神而不自節氣暴陰傷形瘁于勞精搖于夢汗
出乎寐而柴柵其中餌藥歷歲毫末無功不遠
數千里專迂台車俯矜望海杖柱單傳年幾半
百僅舉獨子顧其羸賴焦膽俱焚伏讀老先生
廣嗣論中一旦至我而輒之語念之大懼不自
知其涕泗之沾襟也以是乞刀圭如仙掌金莖
一酒甘露起骨而肉之仰惟仁人君子必不遐
遺則小兒自此有生之年皆老先生引手之賜
也金石可銷此心不晦再造之天敢忘銜結耶

余感其言遂往比至而病益進矣簡其所服以
四物知栢為王芩連二冬為加減診其脉大而
數按之極軟余曰中氣大寒反為藥苦矣乃以
歸脾湯入肉桂一錢人參五錢當晚得熟寐居
十日而汗止精藏更以還少丹兼進補中益氣
間服一月而瘥

少宗伯顧隣初丙辰年患發熱困倦目昏耳鳴
脚軟不能行大便燥結手足麻痺腰膝疼痛余
診之曰腎虛不能上交心虛不能下濟且尺脉

遲軟力勉其用八味丸十全大補湯加圓眼三十枚五十餘日精神漸旺肌肉漸充致書鳴感一日多飲虎骨酒大便仍結醫者皆云八味丸非久服之藥十全大補宜去肉桂反用知母玄參佐之服之數月遂致不起

學憲黃貞父下血甚多面色痿黃發熱倦怠盜汗遺精余診之曰脾虛不能統血腎虛不能閉藏法當以補中益氣五貼併一而進之十日汗止二十日血止再以六味地黃丸間服一月而

安

南都許翰所孫女吐血痰嗽六月診之兩尺如爛綿兩寸大而數余曰金以火為仇肺不浮濇反得洪大賊脉見矣秋令可憂八月初五復診之肺之洪者變為細數腎之軟者變為疾勁余曰歲在戊午少陰司天兩尺不應今其當不應而反大寸當浮大而反沉細尺寸反者歿肺至懸絕十一日歿計其期當歿于十六日然能食者過期况十六十七二日皆金未遽絕也十八日

交寒露又值火日經曰手太陰氣絕丙日篤丁日歿言火日也寅時乃氣血注肺之時不能注則絕必歿于十八日寅時矣輪所聞之潛然淚下以其能食猶不肯信果至十八日未曉終而汪望洋之孫年方舞象發熱咳嗽羸弱頭眩二冬二母知栢苓連不啻百劑病勢轉增余診其脉右脉虛軟乃知脾肺氣虛火不生土之候也遂用補中益氣加五味子苡仁薑桂至三錢十劑而減兩月乃安春初又發令其服補中丸一

年諸證永不再作矣

吳門張欽光發熱乾欬呼吸喘急始用蘇子降氣不應乃服八味丸喘益急輕舟兼夜迎余余視其兩頰俱赤六脉數大此肺肝蘊熱也以逍遙散用牡丹皮一兩苡仁五錢蘭葉三錢連進兩劑喘吸頓止以地黃丸料用麥冬五味煎膏及龜膠為丸至十斤而康

給諫章魯齋在吾邑作令時令郎凌九吐血發熱遺精盜汗形肉衰削先有醫士戒之曰勿服

人參若誤服之無藥可救矣兩月弗效召余診
曰此脾肺氣虛之候非大劑參耆不可魯齋駭
曰前有醫者戒之甚嚴而兄用之甚多何相懸
也余曰此醫能任决效否曰不能也余曰請易
參五劑毋掣其肘期于三月可以報勛陳論甚
力魯齋信而從之遂用六君子間用補中益氣
及七味丸療之日輕一日果如所約

尚寶卿須日華林下多鬱且有暴怒吐血甚多
倦怠異常余以六君子納參一兩乾薑一錢木香
八分四日而血止後因怒氣血復大作余曰先
與至脂繼當大補然夏得秋脉所謂早見非時
之脉當其時不能再見矣果如期而歿

大宗伯董玄宰乙卯春有少妾吐血蒸嗽先用
清火繼用補中俱不見效迎余治之余曰兩尺
沉實少腹按之必痛詢之果然此怒後畜血經
年弗效乃為蒸熱熱甚而吐血陰傷之甚也乃
與四物湯加鬱金桃仁穿山甲大黃少許下黑
血升餘少腹痛仍在更以前藥加大黃三錢煎

服又下黑血塊及如桃膠現肉者三四升腹痛
乃止虛倦異常與獨參湯飲之三日而熱減六
七服十全大補湯百餘日而康復如常

刑部主政唐名必勞心太過因食海鮮吐血有
痰喉間如鯁日晡煩熱喜其六脉不數惟左寸
濇而細右關大而軟思慮傷心脾也以歸脾湯
大料加丹參丹皮麥門冬生地黃二十餘劑而
證減六七兼服六味丸三月遂不復發
吳門周復庵年及五旬荒于酒色忽然頭痛發

熱醫以羌活湯散之汗出不止昏暈不甦余與
之灸關元十壯而醒四君子加薑桂日服三劑
至三日少康分析家產勞而且怒復發厥余用
好參一兩熟附二錢煨薑十片煎服稍醒但一
轉側即厥一日之間計厥七次服參三兩至明
日以羊肉羹糯米粥與之尚厥二三次至五日
而厥定向余泣曰已蒙再生不知有全愈之日
否余曰脉有根蒂但元氣虛極非二載調攝不
能康也幸其恪信余言遵守用藥兩月之間服

參四觔，三年之內進劑六百貼，丸藥七十餘斤，方得步履如初。親友衆多議論雜出，若非病人任之專，或久而見疑服藥少，怠未有獲生也。侍御馮五玉令愛發熱咳嗽已及半載，十月間吐鮮血甚多，一日之內不過食粥一盞，大肉消陷，大便澹泄，沉困着床，脉來七至，余曰：法在不救人所共知，若能惟余是聽，不爲旁撓，可救十中之二。每貼用人參五錢，桂附各一錢，耆朮三錢，歸芍二錢，陳皮一錢，日投三貼，約進七十劑。

及壯水九三斤而後起于床，又三月而飲食如舊。若泥常法而棄之，幽潛沉寃矣。

新定拯陰理癆湯 治陰虛火動皮寒骨熱食

少痰多咳嗽短氣倦怠焦煩內經陰虛內熱之方

生地黄二錢忌銅鐵器 當歸身一錢酒洗

麥門冬一錢去心 白芍藥七分酒炒 北五味三分

人參六分 甘草灸四分 蓮子三錢不去衣

苡仁三錢 橘紅一錢 牡丹皮一錢

水二鍾棗一枚煎一鍾分二次徐徐呷之肺

脉重按有力者去人參有血加阿膠童便熱盛加地骨皮泄瀉減歸地加山藥茯苓倦甚用參三錢效者燥痰也加貝母桑皮嗽者濕痰也加半夏茯苓不寐加棗仁汗多亦用此余自立之方用治陰虛火熾譬如溽暑伊鬱之時而商飈颯然倏動則炎歊如失矣久服無敗胃之虞

新定拯陽理癆湯

治勞傷氣耗倦怠嬾言動作喘乏表熱自汗心煩徧身作痛內經勞倦氣耗之方

黃耆三錢酒炒

人參二錢去蘆

肉桂七分去皮

當歸一錢五分酒炒

白朮二錢土炒

甘草五分酒炒

陳皮一錢去白

北五味四分打碎

水二鍾薑三片棗肉二枚煎一鍾服如煩熱口乾加生地黃氣浮心亂加丹參棗仁咳嗽加麥門冬挾濕加茯苓蒼朮脉沉遲加熟附子脉數實去桂加生地黃胸悶倍陳皮加桔梗痰多半夏茯苓泄瀉升麻柴胡口渴加乾葛夏月去肉桂冬月加乾薑

醫宗必讀 卷之六

四物湯 理中湯 異功散 六君子湯 八

珍湯 五方並見 中風門 補中益氣湯 見類 中風

十全大補湯 治諸虛勞傷飲食不進久病疴

羸潮熱背痛夢遺脚軟喘嗽煩悶

肉桂 去皮 甘草 炙 芍藥 炒

黃耆 蜜水炒 當歸 酒洗 川芎

人參 去蘆 白朮 土炒 茯苓 去皮

熟地黄 各等分

每服六錢水二鍾薑三片棗肉二枚煎二鍾

服

小建中湯

桂枝 去皮 甘草 炙 生薑 各一錢

芍藥 二錢 大棗 一枚 膠飴 一錢

水鍾半煎一鍾入飴更上微火鎔化溫服酒家嘔家俱禁此湯以其甜也加黃耆名黃耆

建中湯

八味地黄丸 治腎虛發熱作渴淋閉痰嗽頭

眩眼花耳鳴咽燥舌痛牙疼腰腿痿軟自汗

醫宗必讀 卷之六 五 虛癆

盜汗便血吐衄血發熱失音水泛為痰

熟地黄 八兩 杞膏 山茱萸肉 乾山藥 各四兩

牡丹皮 白茯苓 澤瀉 各三兩

熟附子 一兩 肉桂 去皮 一兩

右為末和地黄膏加煉蜜丸桐子大每服三

錢空心食前滾湯下 去附子各七味丸 去桂附各六味丸

還少丹 大補心腎脾胃一切虛損

乾山藥 牛膝 酒浸 遠志 去心

山茱萸 去核 白茯苓 五味子 烘

巴戟 酒浸 去心 肉苁蓉 酒浸 去甲 石菖蒲

楮實 杜仲 薑汁酒 炒斷絲 舶茴香 各一兩

枸杞子 烘 熟地黄 各貳兩

為末煉蜜丸如桐子大每服三錢溫酒或鹽

湯下日三服久服令人悅顏輕健不老

酸棗仁湯 治心腎不交怔忡恍惚夜臥不安精血虛耗脾胃泄瀉

酸棗仁 一錢 五分 遠志肉 黃耆 蜜水 炒

蓮肉 去心 人參 當歸 酒炒

白茯苓 茯神 各一錢 陳皮

醫宗必讀 卷之六

甘草 炙各五分

水二鍾薑三片棗一枚煎一鍾日三服心熱者加

黃連生地黃 麥門冬木通

白朮散 治脾胃虛寒嘔吐泄瀉食少胸滿

白朮 土炒 人參 草果

厚朴 酒浸 肉果 煨透 陳皮

木香 麥蘖 炒各一錢 甘草 炙五分

水二鍾薑五片棗一枚煎一鍾服

小甘露飲 治脾胃實熱身黃咽痛

黃芩 一錢 升麻 五分 茵陳 一錢

山梔 八分 桔梗 炒六分 生地黃 一錢五分

石斛 二錢 甘草 四分

水鍾半薑五片煎六分服

溫肺湯 治肺勞虛寒胸滿冷痛

人參 一錢 甘草 四分 半夏

肉桂 橘紅 乾薑 炒各八分

木香 五分

水鍾半煎八分服

醫宗必讀 卷之六 垂 虛勞

涼肺湯 治肺勞實熱欬喘急

知母去毛炒 貝母 天門冬去心

麥門冬各一錢半 黃芩 橘紅各一錢

甘草五分 柴皮八分

水鍾半煎八分服

溫腎丸 治腎勞虛寒腰痛足軟遺濁

熟地黄酒煮 杜仲炒去絲 鬼絲子

石斛去根 黃耆 續斷

肉桂去皮 磁石煨醋 牛膝去蘆

沉香別研 五加皮 山藥炒各一兩

右為末用雄羊腎兩對葱椒酒煮爛入酒及地黃膏為丸如梧子大每服五錢空心酒下

涼腎湯 治腎勞實熱腹脹耳聾

生地黄三錢 赤茯苓一錢 玄參一錢

遠志一錢去木 知母八分酒炒 黃柏六分酒炒

水鍾半煎八分服

人參養榮湯 治脾肺俱虛發熱惡寒倦怠泄瀉

白芍藥一錢五分 人參 陳皮

黃耆 蜜炙

桂心

當歸

白朮 土炒

甘草 炙各一錢

熟地黃

五味子 炒并茯苓各八分

遠志肉 五分

水二鍾薑三片棗二枚煎服

逍遙散 治血虛煩熱肢體疼痛口乾盜汗嗜臥月水不調寒熱如瘧痰嗽骨蒸

白茯苓

白朮 土炒

當歸

白芍藥 酒炒 柴胡 各一錢

甘草 炙五分

水鍾半薑三片煎八分服 加山梔牡丹皮各加味逍遙散

清骨散 治骨蒸熱

銀柴胡 一錢五分

胡黃連

秦艽

鼈甲 醋炙

地骨皮

青蒿

知母 各一錢

甘草 五分

水二鍾煎一鍾食遠服

三才封髓丹 降心火益腎水

天門冬 去心 熟地黃

人參 各五兩

黃檗 酒炒

砂仁 各三兩

甘草 一兩五分

為末麵糊丸桐子大每服五錢肉蓯蓉五錢

切片酒一鍾煎二三沸去渣空心送下

生脉散 治火旺金虛倦怠煩渴

人參 二錢 去蘆 麥門冬 三錢 去心 五味子 三錢 杵

水一鍾煎六分服

猪脂丸 肌體羸瘦服之即肥其效如神

牡蠣 煨 白朮 各四兩 苦參 三兩

為細末以猪脂一具煮極爛研如膏和丸如

桐子大每服三錢米飲送下日三服

調中益氣湯

黃耆 一錢 炙 人參 甘草 炙

當歸 白朮 各五錢 白芍藥 炒

柴胡 升麻 各三分 橘皮 二分

五味子 十五粒

水鍾半煎八分食前溫服

蘇子降氣湯 治虛陽上攻氣不升降痰涎壅盛胸膈噎塞并久年肺氣至效

蘇子 炒 半夏 泡各二錢五分 去蘆 前胡 去蘆

甘草 炙 厚朴 薑汁炒 橘紅 去白各一錢

當歸 去蘆一分 沉香 七分

水二鍾薑三片煎一鍾服 虛人加黃耆一錢肉桂五分

醫宗金鑑卷之六

人參飲子 脾胃虛弱氣虛倦怠衄血吐血

人參 去蘆 五味子 二十粒 黃耆 去蘆

麥門冬 去心 白芍藥 炒 當歸身 各一錢五分

甘草 炙

水二鍾煎一鍾食遠服

四生丸 治吐血衄血

生荷葉 生艾葉 側柏葉

生地黄 各等分

搗爛丸如鷄子每服一丸水煎去渣服

大阿膠丸 治嗽血吐血

阿膠 微炒 卷柏 生地黄

大薊 獨根者佳 雞蘇葉 五味子 各兩

栝子仁 另研 茯苓 百部

遠志 去木 人參 麥門冬 去心

防風 各一兩 乾山藥 一兩 熟地黄 一兩

為末煉蜜丸如彈子大煎麥門冬湯嚼一丸

犀角地黄湯 治大熱血積胸中

犀角 大黃 各一錢 黃芩 三錢

醫宗金鑑卷之六 犀角 虛癆

黃連 二錢 生地黄 四錢

水二鍾煎一鍾食後服

茅花湯 治鼻衄不止

茅花 五錢

水一鍾煎六分服

百花膏 治勞嗽吐血

款冬花 百合蒸焙等分

為末蜜丸龍眼大每服一九臨臥薑湯嚥下

噲化丸 治勞嗽有效

玉露霜 柿霜 貝母

百合各二兩 白茯苓 海石各一兩

甘草 五錢 秋石 二錢

入薄荷葉細末白礬砂少許煉蜜丸如龍眼

大每噲化一九

新定清寧膏 潤肺不傷脾補脾不礙肺余所

新定者也凡勞嗽吐血必不可缺極有效驗

麥門冬去心十兩 生地黄酒炒十兩 廣橘紅 三兩

桔梗 二兩 龍眼肉 八兩 甘草 二兩

煎成膏加苡仁八兩淘淨川貝母二兩糯米炒熟

米熟真蘇州薄荷淨葉五錢忌火俱為極細

末拌勻前膏時時挑置口中噙化

肺癰神湯

肺癰者勞傷氣血內有積熱外受風寒胸中滿急隱隱痛咽乾口燥時出

濁唾腥臭吐膿如米粥者效脉滑數或實大凡患者右脇按之必痛但服此湯未成即消已成即潰已潰即愈此

余新定屢用屢驗者也

桔梗 一錢 金銀花 一錢 薏苡仁 五錢

甘草節 一錢 黃耆 一錢 貝母 一錢

陳皮 一錢 白芨 一錢 甜葶藶 八分

水二鍾薑一片煎一鍾食後徐徐服新起如

防風一錢去耆潰後加入參一錢久不斂加

合歡皮 一錢一名夜合 即椹樹皮

十灰散 一切血證用此止之

大薊 小薊 荷葉

側柏葉 茅根 茜根

山梔 大黃 牡丹皮

櫻櫚皮 各等分

各燒灰存性研細碗蓋于地一宿藕汁調服

白鳳膏 治久癆積虛咳嗽痰血蒸熱困倦

黑嘴白鴨 一隻 大京棗 二升

參苓平胃散 一升 陳煮酒 一甌

將鴨縛定量病人飲酒多少以酒盪温割開鴨頂滴血入酒飲之直入肺經受補將鴨去毛於肺邊開一孔取去腸雜拭淨次將棗去核每箇中納參苓散填滿鴨腹中麻線紮定沙鍋內用火慢煨將酒三次添入以乾為度但食其棗參湯送之取回鴨肉搗丸服

芎歸血餘散 治傳屍癆瘵去鬼殺蟲

室女頂門生髮 一小團皂角湯洗淨醋浸一宿晒乾紙擦火燒存性

川芎 五錢 當歸 三錢 木香

桃仁 去皮炒 各二錢 安息香 雄黃 各一錢

全蝎 二枚 江上大鯉魚 生取頭 醋炙

右為末分四服每服井水一大碗淨室中煎七分入紅硬降真香末五分燒北斗符入藥月初五更空心向北仰天咒曰察神察神察我生人吾奉 帝勅服藥保身急急如律令

咒五遍面北服藥畢南面吸生氣入口腹中
燒降香置床下午時又如前服藥

北斗

勅



用黃紙一方新筆淨水
研透明硃砂書此符書
時念前北斗咒

鼈甲生犀散

殺癆蟲取下惡物

天靈蓋

一具男者色不赤可用女者色赤
勿用檀香煎湯候冷洗咒日電公

靈霄公聖逢傳屍即須應急急
如律令咒七遍訖次用酥炙黃

生鼈甲

一枚

虎長牙

二枚

安息香

桃仁去皮炒

檳榔各五錢

生犀角

木香

甘遂

降真香

乾漆炒存性

阿魏

酒浸研

雷丸二錢

穿山甲

取趾醋炙

全蝎

三箇

蚯蚓

十條生炒研和藥

右為末每服五錢先用豉心四十九粒東向

桃李桑梅小稍各二莖長七寸生藍青七葉

青蒿一小握蔥白連根洗五莖石柏內同柞

用井水一碗半煎取一盞入童便一盞內藥

末煎取七分入麝一字凡初旬五更空心溫

服即以被覆取汗恐汗中有細蟲軟帛拭之

即焚其帛少時必瀉以淨桶盛急鉗取蟲烈
火焚之並收入磁瓶中雄黃蓋之以瓦油盞

鐵線紮定泥固埋深山中絕人行處

道藏經曰每值庚申日其夜不睡守之至曉屍
蟲不能為害三守庚申三屍長絕每夜叩齒三
十六通左手捧心呼三屍之名上屍彭琚出中
屍彭瓊出下屍彭璠出令不得為害常以庚申
去手甲丑日去足甲每年七月十六日將所去
手足甲燒灰和水服之三屍九蟲皆滅

卷之六終

86
8960

